**OPRJOCHTING STIFTING**

Hjoed, trije juny twatûzen tweintich, _____
ferskynden foar my, mr Gjalt Sjoerd van der Hem, notaris fêstige yn Jorwert _____
(gemeente Leeuwarden): _____

1. de hear **Liuwe Westra** (legitimaasje: paspoartnûmer NM711L6R8), _____
wenjend yn **8823 SX Lollum, Waaxenserweg 2**, berne yn Sneek op ien _____
febrewaris njoggentjinhûndert seisensechtich, _____
troud; _____
2. mefrou **Sijke de Boer**, (legitimaasje: paspoartnûmer NNB8K6KD2) _____
wenjend yn **8741 KB Hartwerd**, Kloosterweg 3, berne yn Wonseradeel op fyftjin _____
desimber njoggentjinhûndert fyfentfytich, _____
troud; _____
3. mefrou **Jeltje Feenstra**, (legitimaasje: riidbewiis 5884201585) _____
wenjend yn **8741 KC Hartwerd**, Oldeklooster 8, berne yn Sneek op _____
sânentweintich septimber njoggentjinhûndert fyfentfytich, _____
troud; _____
4. de hear **Hylco Bouwstra**, (legitimaasje: paspoartnûmer NM8FBRPH6) _____
wenjend yn **8771 KJ Nijland**, Jongedyk 6, berne yn Heerenveen op tritich july _____
njoggentjinhûndert tachtich, _____
troud; _____
5. de hear **Pieter Jaarsma**, (legitimaasje: riidbewiis 5550662114), _____
wenjend yn **8741 KE Hartwerd**, Ridderdijk 11 A, berne yn Sneek op _____
trijeentweintich novimber njoggentjinhûndert sânentfytich, _____
troud; _____
6. de hear **Dominicus Gerardus Ketelaar**, (legitimaasje: paspoartnûmer _____
NSC6BBFH9), wenjend yn **8741 KE Hartwerd**, Ridderdijk 3, berne yn _____
Bolsward op trijeentweintich juny njoggentjinhûndert sânentfytich, _____
troud. _____

De ferskynde persoanen ferklearje mei dizze akte: _____

YNLIEDING

In stifting op te rjochtsjen dêr't it neikommende karbrief foar jildt. _____

KARBRIEF**Namme en sit****KEST 1.**

1. De stifting hat de namme: **Stifting Monumint Aldekleaster.** _____
2. De stifting hat har sit yn Hartwerd (de gemeente Súdwest-Fryslân). _____

KEST 2

1. De stifting hat as doel: _____
de oantins oan it eardere kleaster Floridus Campus (Bloemkamp, Blomkamp, _____
Aldekleaster, Oldeklooster) libben te hâlden en omtinken te freegjen foar de _____
skiednis fan it kleaster en de rol dy 't it spile hat. _____
2. De stifting besiket om ta syn doel te kommen: _____

troch in monumint op it eardere kleasterterrein te pleatsen en te ûnderhâlden—
(mei alles wat dêrta tsjinstich is) en oare aktiviteiten te ûntploaien foar in breed—
publyk dy 't gearhingje mei it eardere kleaster en de skiednis dêrfan. _____

Bestjoer, gearstalling, wize fan beneamen (en beleanjen) _____

KEST 3 _____

1. It bestjoer fan de stifting bestiet út in troch it bestjoer fêst te stellen tal fan op—
syn minsten trije bestjoerders. _____
2. De bestjoerders wurde beneamd en tydlik bestjoerslid-ôf makke troch it—
bestjoer. Yn fakatueres moat sa gau mooglik foarsjoen wurde. It bestjoer kiest—
út syn midden in foarsitter, in skriuwer en in ponghâlder. De funksjes fan—
foarsitter en ponghâlder kinne troch ien persoan ferfolle wurde. _____
3. De bestjoerders wurde beneamd foar in perioade fan seis jier. Hja geane ôf—
neffens in troch it bestjoer op te meitsjen roaster. In bestjoerder dy't neffens it—
roaster ôfgiet, is fuortdaliks (en ûnbeheind) werbeneamber. De bestjoerder dy't—
yn in tuskentiidske fakatuere beneamd is, nimt op it roaster fan ôfgean it plak yn—
fan dejinge yn waans fakatuere er beneamd waard. _____
4. Yngefal fan ien of mear fakatueres yn it bestjoer, hâldt it bestjoer syn foegen.—
5. De bestjoerders krije gjin beleanning foar harren wurksomheden. Hja hawwe—
wol rjocht op in fergoeding fan de kosten dy't hja by it útoefenjen fan harren—
funksje makke hawwe. _____

Bestjoer: taak en foegen _____

KEST 4 _____

1. It bestjoer is belêste mei it bestjoeren fan de stifting. _____
2. It bestjoer hat wol foech om te besluten ta it oangean fan oerienkomsten ta—
winning, ferfrjemding en beswierring fan registergoed. _____
3. It bestjoer hat gjin foech om te besluten ta it oangean fan oerienkomsten dêr't—
de feriening him as boarch of solidêre meiskuldner by ferbynt, him foar in trêde—
sterk makket of him ta wissichheidstelling foar in skuld fan in oar ferbynt. _____
4. Erfstellings meie allinnich ûnder it foarrjocht fan boelbeskriuwing oanfurdige—
wurde. _____
5. It bestjoer hat wol it foech om personiel yn te hieren en om him bystean te litten—
troch kommisjes, dy't oanwiisd wurde troch it bestjoer, en dy't wurkje ûnder de—
ferantwurdlikens fan it bestjoer. _____

Bestjoer: gearkomsten _____

KEST 5 _____

1. De gearkomsten fan it bestjoer wurde holden yn Nederlân op it plak dat yn de—
opropping oanjûn is. _____
2. Alle jierren binnen seis moannen nei ôfrin fan it boekjier wurdt in gearkomste—
fan it bestjoer (de jiergearkomste) holden, dêr't yn alle gefallen it fêststellen fan—
de balâns en de steat fan baten en lêsten yn oan de oarder komt. _____
3. Fierdersoan wurde gearkomsten holden, wannear't ien fan de bestjoerders _____



- dêrta de opropping docht. _____
4. It oproppen ta de gearkomste bart op syn minsten sân dagen yn it foar, de dei—
fan it oproppen en dy fan de gearkomste net meirekkene, troch de wei fan in—
oproppingsbrief. _____
 5. In oproppingsbrief neamt, behalven plak en tiid fan de gearkomste, de—
ûnderwerpen dy't behannele wurde sille. _____
 6. De gearkomsten wurde laat troch de foarsitter. As er ôfwêzich is, soargje de—
bywêzige bestjoerders sels foar de lieding fan de gearkomste. Oan dat stuit ta,—
sit de bywêzige bestjoerder foar dy't it âldste yn jierren is. _____
 7. De skriuwer notulearret de gearkomste. By ôfwêzigens fan de skriuwer wurdt de
notulist oanwiisd troch dejinge dy't foarsit. De notulen wurde fêststeld en tekene-
troch dyjingen, dy't yn de gearkomste as foarsitter en notulist fungearre hawwe.—
De notulen wurde dêrnei bewarre troch de skriuwer. _____
 8. Tagong ta de gearkomsten fan it bestjoer hawwe de bestjoerders dy't yn funksje
binne en dejingen dy't dêrta troch it bestjoer útnoege binne. _____

Bestjoer: beslútfoarming _____

KEST 6 _____

1. It bestjoer kin yn in gearkomste allinnich besluten nimme as de mearderheid fan
de bestjoerders dy't yn funksje binne, de gearkomste bywennet of _____
fertsjintwurdige is. _____
In bestjoerder kin him yn in gearkomste troch in oare bestjoerder _____
fertsjintwurdigje litte neidat in skriftlike folmacht ôfjûn is, dy't neffens it oardiel—
fan de foarsitter fan de gearkomste foldwaande wêze moat. In bestjoerder kin—
dêrby mar foar ien oare bestjoerder as folmacht hannelje. Is yn in gearkomste—
net de mearderheid fan de bestjoerders dy't yn funksje binne bywêzich of _____
fertsjintwurdige, dan wurdt in twadde gearkomste byelkoar roppen, dy't net _____
earder holden wurdt as twa en net letter as fjouwer wiken nei de earste _____
gearkomste. Yn dy twadde gearkomste kin likefolle it tal bywêzige of _____
fertsjintwurdige bestjoerders besletten wurden oangeande de ûnderwerpen dy't—
op de earste gearkomste op de agenda set wiene. By it oproppen ta de twadde—
gearkomste moat oanjûn wurde dat en wêrom't in beslút nommen wurde kin—
likefolle it tal bywêzige of fertsjintwurdige bestjoerders. _____
2. Salang't yn in gearkomste alle bestjoerders bywêzich binne dy't yn funksje _____
binne, kinne jildige besluten nommen wurde oer alle ûnderwerpen dy't oan de—
oarder binne, mitsdat mei algemiene stimmen, ek al binne de foarskriften foar it—
oproppen en hâlden fan gearkomsten sa't dy yn it karbrief omskreaun binne, net
yn acht nommen. _____
3. It bestjoer kin mei algemiene stimmen ek bûten gearkomste besluten nimme.—
Fan in beslút dat sa troch it bestjoer nommen is, wurdt troch de skriuwer in—
relaas opmakke, dat nei mei-ûndertekening troch de foarsitter as notulen—
bewarre wurdt. _____

4. Elke bestjoerder hat it rjocht ta it útbringen fan ien stim. _____
Foar safier't dizze statuten gjin gruttere mearderheid foarskriuwe, wurde _____
bestjoersbesluten nommen mei absolute mearderheid fan de jildich útbrochte _____
stimmen. _____
5. Alle stimmingen yn in gearkomste wurde mûnling dien, of it moat wêze dat ien _____
of mear bestjoerders foar de stimming in skriftlike stimming easkje. Skriftlike _____
stimmingen wurde mei net-tekene, tichte briefkes dien. _____
6. Blanko stimmen wurde beskôge as net útbrocht te wêzen. _____
7. Yn alle skelen oangeande stimmingen beslist de foarsitter fan de gearkomste. _____
8. It bestjoer soarget derfoar, dat dy stikken publisearre wurde op de wize sa as _____
derfoar foarskreaan is, dy't fereaske wurde om yn oanmerking te kommen foar _____
de ANBI-status (Algemeen Nut Beogende Instelling). _____

Bestjoer: defungearjen _____

KEST 7 _____

In bestjoerder defungearret: _____

- a. troch syn ferstjerren of as de bestjoerder in rjochtspersoan is, troch syn ûntbining-
of as er ophâldt te bestean; _____
- b. troch it ferlies fan it frije behear oer syn fermogen; _____
- c. troch syn ôfgean (al of net neffens it yn kêst 3 bedoelde roaster fan ôfgean); _____
- d. troch ûntslach him jûn troch de mienskiplike oare bestjoerders; _____
- e. troch ûntslach op grûn fan kêst 2:298 Boargerlik Wetboek. _____

Fertsjintwurdiging _____


KEST 8 _____

1. It bestjoer fertsjintwurdiget de stifting. _____
2. It fertsjintwurdigingsfoech komt ek ta oan twa mienskiplik hanneljende _____
bestjoerders. _____
3. It bestjoer kin folmacht jaan oan ien of mear bestjoerders, en ek oan trêden, om-
de stifting binnen de grinzen fan dy folmacht te fertsjintwurdigjen. _____

Boekjier en jierstikken _____

KEST 9 _____

1. It boekjier fan de stifting rint lykop mei it kalinderjier. _____
2. It bestjoer is ferplichte om fan de fermogenstastân fan de stifting en fan alles _____
oangeande de wurksumheden fan de stifting, neffens de easken dy't folgje út dy
wurksumheden, op sa'n wize in administraasje te fieren en de dêrta hearrende _____
boeken, stikken en oare gegevensdragers op sa'n wize te bewarjen, dat dêrút _____
altdy de rjochten en ferplichtings fan de stifting neigien wurde kinne. _____
3. It bestjoer is ferplichte om alle jierren binnen seis moannen nei ôfrin fan it _____
boekjier de balâns en de steat fan baten en lêsten fan de stifting te meitsjen, op-
papier te setten en fêst te stellen. _____
4. It bestjoer is ferplichte om de boeken, stikken en oare gegevensdragers dy't yn-
de foargeande leden bedoeld binne, foar de doer fan sân jierren te bewarjen. _____



5. De gegevens dy't op in gegevensdrager oanbrocht binne, útsein de balâns en steat fan baten en lêsten dy't op papier set binne, kinne op in oare _____ gegevensdrager oerbrocht en bewarre wurde, mitsdat it oerbringen dien wurdt mei krekte en folsleine werjefte fan de gegevens en dy gegevens ûnder de folsleine bewartiid beskikber binne en yn in ridlike tiid lêsber makke wurde kinne. _____

Reglemint _____

KEST 10 _____

1. It bestjoer hat it foech en stel in reglemint fêst, dêr't dy ûnderwerpen yn regele wurde, dy't neffens it oardiel fan it bestjoer neier regele wurde moatte. _____
2. In reglemint mei net stridich wêze mei de wet of mei dit karbrief. _____
3. It bestjoer hat it foech en wizigje of beëinige it reglemint. _____
4. Op de fêststelling, wiziging en beëindiging fan it reglemint is itjinge dat bepaald is yn kêt 11 lid 1 fan tapassing. _____

Karbriefwiziging _____

KEST 11 _____

1. It bestjoer hat it foech en wizigje it karbrief. In beslút ta karbriefwiziging moat mei algemiene stimmen nommen wurde yn in gearkomste dêr't alle bestjoerders yn bywêzich of fertsjintwurdige binne. _____
2. De wiziging moat mei strafdriging fan neatigens mei in notariële akte ta stân komme. Elke bestjoerder ôfsûnderlik is befoege en lit de oanbelangjende akte passearje. _____
3. De bestjoerders binne ferplichte om in autentyk ôfskrift fan de wiziging en it wizige karbrief del te lizzen op it kantoor fan it hannelsregister. _____

Untbining en fereffening _____

KEST 12 _____

1. It bestjoer hat it foech en ûntbyn de stifting. _____
2. Itjinge dat bepaald is yn kêt 11 lid 1 is fan tapassing op it beslút fan it bestjoer ta ûntbining fan de stifting. _____
3. As it bestjoer beslút ta ûntbining, wurdt boppedat de bestimming fan it likwidaasjesaldo fêststeld. Yn oare gefallen fan ûntbining wurdt de bestimming fan it likwidaasjesaldo troch de fereffeners fêststeld. _____
Yn alle gefallen moat it likwidaasjesaldo bestege wurde oan in ynstelling mei de hjiroar ek al neamde ANBI-status (Algemeen Nut Beogende Instelling). _____
4. Nei ûntbining wurdt de fereffening troch de bestjoerders dien, of it moat wêze dat by it beslút ta ûntbining oaren ta fereffeners oanwiisd binne. _____
5. Nei ôfrin fan de fereffening sille de boeken, stikken en oare gegevensdragers fan de ûntbûne stifting foar de doer fan de termyn dy't de wet foarskriuwt, bewarre wurde troch de persoan dy't dêrfoar troch de fereffeners oanwiisd is. _____
6. Op de fereffening binne fierders de bepalingen fan Titel 1, Boek 2 fan it Boargerlik Wetboek fan tapassing. _____

Slotbepalings

KEST 13

1. Yn alle gefallen, dêr't sawol de wet, dit karbrief of in reglemint net yn foarsjogge, beslist it bestjoer.
2. Under skriftlik wurdt yn dit karbrief ferstien elk berjocht op skrift dat fia de gongbere kommunikaasjekanalen oerbrocht is.
3. It earste boekjier fan de stifting einiget op ienentritich desimber twatûzend santjin.

Slotferklearring

Ta beslút ferklearren de ferskynde persoanen dat by dizze oprjochting: foar de earste kear ta bestjoerders beneamd wurde:

1. de hear Westra, as bestjoerder, niisneamd;
2. mefrou De Boer, as bestjoerder, niisneamd;
3. mefrou Feenstra, as skriuwster, niisneamd;
4. de hear Bouwstra, as bestjoerder, niisneamd;
5. de hear Jaarsma, as foarsitter, niisneamd;
6. de hear Ketelaar, as ponghâlder, niisneamd.

Slot akte

FAN IEN EN OAR IS DIZZE AKTE

passearre yn Jorwert op de datum yn it haad fan dizze akte neamd.

De ferskynde persoanen binne my, notaris, bekend.

Foar it passearjen fan de akte, is troch my, notaris, de saaklike ynhâld fan de akte oan harren opjûn en taljochte. De ferskynde persoanen ha ferklearre om op folslein foarlêzen fan de akte gjin priis te stellen en fan de ynhâld fan de akte kennis nommen te hawwen, en wiisd te wêzen op de gefolgen, dy't foar partijen út de akte folgje.

Dizze akte is beheind foarlêzen en daliks dêrnei ûndertekene, earst troch de

ferskynde persoanen en dêrnei troch my, notaris.

(Volgt ondertekening)



2020.023097.01 / VDH

Blad 7.

UITGEGEVEN VOOR AFSCHRIFT



A handwritten signature in black ink, consisting of several stylized, overlapping strokes, positioned below the text "UITGEGEVEN VOOR AFSCHRIFT".

